

Գ Լ Ո Ւ Խ Ե .

Շմաւոն ազգականն Քրիստոսի . Կատարուն նորին : Եպիսկոպոսունք Ի
 Հրէից հաւատացելոց : Շինունն Երուսաղէմի յԱզգրիանոսէ : Կոտորունն
 և հալածունն Հրէից : Մարկոս Եպիսկոպոս Ի հեթմանոսաց հաւատացե-
 լոց , մինչ Ի կատարուն Ազգբանդրոսի :

ՍՈՒՐԲՆ Շմաւոն , որ և Սիմէոն կամ Սիմոն , եզրայր
 Յակորայ արդարոյ , որդի Կղէովկայ , եզրօրորդի Յովսե-
 փայ Աստուածաճայր կոչեցելոյ եւ ազգական Քրիստոսի ,
 յետ համբառնալոյ Փրկչին մերոյ շրջեցաւ յայլ եւ այլ
 տեղիս , որպէս և այլ առաքելքն . քարոզեաց զաւետա-
 րանն Հրէից և հեթմանոսաց , իբրեւ հաւատարիմ վկայ ա-
 կանատես եւ սպասաւոր Բանին Աստուծոյ կրեաց զազգի
 ազգի չարչարանս և զնեղութիւնս վասն անուան Տեառն :
 Իսկ զկնի կատարման եզրօրն իւրոյ Յակորայ արդարոյն
 և աւերածոյն Երուսաղէմի , ժողովեցան աչակերտք աչա-
 կերտաց առաքելոցն յամենայն կողմանց , որք մնացեալ
 էին յայնմ ժամանակի հանդերձ ազգատոհմաւ Տեառն մե-
 րոյ , և խորհրդով եղին յԱթոս Եպիսկոպոսութեան Երու-
 սաղէմի զձերուներն Շմաւոն , իբրեւ արժանաւոր այնմ պա-
 տուոց և աստիճանի և օրինաւոր յաջորդ եզրօր իւրոյ Յա-
 կորայ : Որ և զառաքելական քարոզութիւնն եւս քան զեւս
 ՚ի կիր արկեալ քարոզէր զՔրիստոսի Աստուածութիւնն
 ընդ ամենայն կողմանս Պաղեստինոյ . շինէր զեկեղեցիս
 ըստ տանելոյ ժամանակին , եւ անպակաս առնէր զքահա-
 նայս և զպաշտօնեայս , և այսպէս եկաց յԱթոսն հովու-
 թեան ամս բազումս , մինչեւ հատանիլ նմա լի արդեամբք
 յերկար ծերութիւն :

Պատմէ Հեգիսիպոսոս առ Եւսեբեայ , թէ զկնի Յակո-
 րայ սա եկաց եպիսկոպոս Երուսաղէմի . զի ամենայն ոք
 ՚ի նա եղեալ էր զմիտս , և վասն այսորիկ կոչէին զեկեղե-
 ցին կոյս . զի սյայն վայր ոչ էր ապականեալ ՚ի լուրս ըն-
 դունայնս : Այլ սկսաւ զառաջինն թէքաթիոս ապականել ,
 զի ոչ եղեւ եպիսկոպոս , եւ է մին յեօթանց հերձուածոց
 անտի , ուստի Սիմօնն էր . եւ ապա յաւելլու , զի ամենե-